

AUGLÝSING

167

20. ágúst

um breyting á jarðræktarsamþykkt fyrir Búnaðarfélag Ólafsfjarðar
í Eyjafjarðarsýslu, nr. 104 frá 7. nóv. 1947.

9. gr. samþykktarinnar orðist svo:

Búnaðarfélagið myndar stofnsjóð til vélakaupa, er nemur alls kr. 75 000.00.
Tekjur stofnsjóðs eru:

- a. Helmingur stofnfjárins er framlag framkvæmdasjóðs ríkisins, samkvæmt ákvörðun 9. gr. laga um jarðræktar- og húsagerðarsamþykktir í sveitum. Rennur framlagið í stofnsjóð, er það greiðist, sem styrkur til vélakaupa félagsins.
- b. Framlag Búnaðarsambands Eyjafjarðar.
- c. Afgangurinn sé óafturkræft beint framlag Búnaðarfélags Ólafsfjarðar, er eigi má nema minna en $\frac{1}{4}$ stofnfjárins, svo og stofnfjárlán, tryggt með ábyrgð Búnaðarfélagsins, og endurgreiðist það innan 5 ára.

Samþykkt þessi, sem er sett samkvæmt ákvæðum laga nr. 7 12. jan. 1945, um jarðræktar- og húsagerðarsamþykktir í sveitum, staðfestist hér með til að öðlast þegar gildi.

Landbúnaðarráðuneytið, 20. ágúst 1951.

Hermann Jónasson.

Árni G. Eylands.

REGLUR

168

30. ágúst

um Sundlaug Búðakauptúns.

1. gr.

Eigandi sundlaugarinnar er Búðahreppur í Suður-Múlasýslu.

2. gr.

Sundlaugin skal rekin sem fjárhagslega sjálfstætt fyrirtæki, undir nafninu Sundlaug Búðakauptúns.

3. gr.

Þriggja manna nefnd annast rekstur sundlaugarinnar. Skal nefndin kosin af hverri nýkjörinni hreppsnefnd Búðahrepps og gildir kosning hennar sama tíma og hreppsnefndarinnar. Nefndarmenn skipta sjálfir með sér störfum.

4. gr.

Nefndin ber ábyrgð á rekstri laugarinnar gagnvart hreppsnefnd. Afrit af ársreikningum sendist íþróttanefnd ríkisins.

5. gr.

Nefndin skal halda nákvæma gjörðabók um störf sín og rekstur laugarinnar.

6. gr.

Hlutverk sundlaugarnefndar er meðal annars:

- a) að skipuleggja afnot íþróttaiðkenda af lauginni,

- 168 b) að sjá um útlán sundlaugarinnar til sýninga og kappmóta,
 30. ágúst c) að ráða starfsmenn til daglegs rekstrar, eftir því sem nauðsynlegt telst, og setja þeim erindisbréf,
 d) að taka ákvarðanir um viðhald eignarinnar og áhaldakaup,
 e) að gera tillögur um endurbætur og viðbótarbyggingar, ef æskilegar teljast,
 f) að annast fjárreiður eignarinnar,
 g) að kveða á um gjöld fyrir notkun laugarinnar.

7. gr.

Sundlaugina má eingöngu nota til íþróttaiðkana. Skólar innan hreppsins og ungmennafélagið skulu hafa forgangsrétt til afnota af lauginni.

8. gr.

Um ræsting og viðhald sundlaugarinnar fer samkvæmt fyrirmælum reglugerðar um íþróttamannvirki.

9. gr.

Eftirlit með daglegum rekstri sundlaugarinnar er í höndum sundlaugarvarðar, sem sjái um að umgengni sé góð, hafi eftirlit með ræstingu, sjái um að hæfilegur hiti sé í öllum herbergjum og hreint og hæfilega heitt vatn í lauginni. Einnig annist hann baðvörzlu. Sundlaugarvörður annist ræstingu á böðum og búningsherbergjum, einnig þvott á skýlum og handklæðum, ræstingu laugarþróar, stétta, baða og búningsherbergja og annað það, sem honum kann að verða falið í erindisbréfi.

10. gr.

Reikningsár sundlaugarinnar er almanaksárið.

11. gr.

Ágóða af rekstrinum skal verja til nauðsylegra áhaldakaupa, viðhalds og endurbóta og nýbygginga eftir því sem ástæða virðist til.

12. gr.

Sundlaugarnefnd annist kaup á áhöldum og sé stofnunin eigandi þeirra allra.

Í menntamálaráðuneytinu, 30. ágúst 1951.

F. h. r.

Birgir Thorlacius.

Sigurður J. Briem.

169

31. ágúst

G J A L D S K R Á

fyrir uppboðshaldara, sett samkvæmt lögum nr. 57 frá 1949.

1. gr.

Tilkynningar og uppboðsskilmálar:

- a. Fyrir tilkynningu til skuldara um sölubeiðni greiðist kr. 5.00
 b. Fyrir frumvarp að uppboðsskilmálum — 25.00

2. gr.

Innheimtugjald uppboðshaldara:

- a. Án sölu:
 Af upphæð þeirri, er uppboðshaldari innheimtir eða innheimtist fyrir hans atbeina greiðist 1%